

# KGATISO 1 LEKWALODIKGANG

2026



## BAITHUTI BA BA DIRANG SENTLE THATA BA 2025 BA TLOTLOMADIWA KA DI LAPTOP



Kwa bokhutlong jwa ngwaga wa dithuto wa 2025, re ne ra etela dikolo tse dikgolwane tse tharo tsa selegae, e leng, Sekolo se Segolwane sa Gamagara, Sekolo se Segolwane sa Langberg le Sekolo se Segolwane sa Kathu, go keteka baithuti ba ba atlegileng thata. Baithuti ba bararo ba ba kwa maemong a a kwa godimo go tswa kwa sekolo sa selegae se sengwe le se sengwe ba ne ba tlotliwa ka ntlha ya diphithlelelo tsa bone tse di gaisang mme ba abelwa di laptop.

Maikaelelo a letsholo leno ke go rotloetsa baithuti go dira sentle kwa sekolong le go ba tlamela ka didiriswa tse di tla ba thusang mo lefatsheng leno la thekenoloji le le golang ka bonako.



## KATLEGO YA LENANEO LA BASARI

Re motlotlo go keteka matswela a a molemo a baithuti ba rona ba ba amogelang dibasari, ba botlhe ba fitheletseng maduo a a kwa godimo ga 70% mo semesetareng ya bone ya bofelo ya 2025. Ba le babedi ba baithuti bano ba mo ngwageng wa bone wa ntlha kwa yunibesithing.

Katlego eno ke sesupo sa se lenaneo la Basari la REISA le ikaeletseng go se rotloetsa, e leng go bopa tikologo e e tshegetsang e mo go yone baithuti ba ka kgonang go tlhoma mogopolo ka botlalo mo dithutong tsa bone ba sa tshwenyega thata ka mathata a madi kgotsa a maikutlo. Ka thuso eno, re ikaeletseng go thusa baithuti go nna le maitemogelo a a se nang mathata kwa yunibesithing, go ba letla go tsenya maatla a bone mo go fitlheleleng katlego mo dithutong.




## DIPOROJEKE TSA ITEKANELO TSA UBUNTU

Ka tirisanommogo le Boipelo Resources, re ne ra tshwara "Boys Camp" kwa Duin In Die Weg, ya baithuti ba Mophato wa 8 le 9, go tswa dikolong tsa Gamagara. Kampa eno e ne ya kgobokanya basimane ba babotlana mo bekeng e e neng e ba naya maatla e e neng e remeletse mo go iponeng, go gola le go ithuta gore go kaya eng go nna makawana a a nang le maikarabelo.



Ka go dirisa ditiro tse di kaelwang, dipuisano tse di bulegileng le go ruta, basimane ba ne ba ithuta ditsela tsa go lebana le dikgwetlho tsa botho, go gatelelwa ke balekane le botshelo jwa kwa sekolong, mme ba ntse ba aga go itshepa le go itlotla.



KGATO KA KGATO YA ED E E  
DIRISITSWENG KA KOTARA